

王氏合校水經注

冊四

水經注卷四

長沙王氏校本

後魏酈道元撰

河水

官本曰案二字原本訛在經文又南上近刻又增河水四三字表目案朱趙同

又南過河東北屈縣西

河水南逕北屈縣故城西

董祐誠曰二漢志縣屬河東郡晉志屬平陽郡魏書地形志平陽郡屬昌二漢屬河

東即漢晉之北屈也神嘉元年世祖禽赫連昌仍置禽昌郡真君二年改七年並永安屬焉又定陽郡定陽延興四年置元和郡縣志後魏孝文帝於北屈縣南二十一里置定陽郡即慈州理是也太平實字記魏於白馬城置禽昌縣案禽昌治白馬城即今臨汾不得在北屈考魏平陽郡北屈與狐讞等縣同屬太平實字記永和縣西南三十五里漢狐讞縣故城曹魏別置狐讞縣是魏晉之狐讞已非漢舊今吉州北接大寧為漢北屈其北則永和為漢狐讞又北則為漢西河郡地蓋漢末地荒西河之中陽諸縣既移治太原而狐讞北屈亦移治平陽狐讞以實字記曹魏別置之文人猶知其移治而移治所在已不可攷則名存而實晦北屈徙治世無知者然地形志既謂禽昌即北屈實字記又謂禽昌在白馬城與二漢志所稱北屈有壺口山采桑津者明為二地則實存而名晦參互考之猶可得其大略司馬子政廟碑云西河舊處山林漢末擾攘百姓失所蓋狐讞北屈近接西河其移治必在同時晉以後皆因魏舊魏世祖所置禽昌乃魏晉移治之北屈至延興中始於漢北屈縣地置定陽郡縣也唐慈州城即今吉州則北屈故城亦在今州北

西四十里有風

山

官本曰案近刻脫西四二字案朱趙無董祐誠曰元和郡縣志慈州吉昌縣郭下風山在縣北三十里即今吉州治北

上有穴如輪風氣

蕭瑟習常不止當其衝飄也略無生草

官本曰案略上近刻衍而字案朱趙有蓋常不

定官本曰案近刻脫常字案朱脫趙增

衆風之門故也風山西四十里河南

孟門山

趙有與龍門山相對六字刊誤曰實字記引此文孟門山下有與龍門山相對六字今校補董祐誠曰元和郡縣志文城縣東南至慈州六十五里孟門山俗

名石槽在縣西南三十六里案山在河中故曰河南在今吉州之西北宜川之東北河流所經

山海經曰孟門之山其

上多金玉其下多黃堊涅石淮南子曰龍門未

闢呂梁未鑿河出孟門之上大溢逆流無有邱

陵高阜滅之名曰洪水大禹疏通謂之孟門故

穆天子傳曰北登孟門九河之陞

朱作登趙改陞又登爲升刊誤曰登當作升登當

作陞孫潛校改

孟門即龍門之上口也

董祐誠曰南距龍門幾二百里

實爲河之

巨隄

官本曰案近刻訛作實謂黃河之巨隄案朱同謂爲通非訛也趙改爲刪黃字刊誤曰謂當作爲黃字衍

兼孟門津之

名矣

官本曰案近刻脫門字案朱脫趙增刊誤曰孟下有門字御覽引此文校正此孟門山在陝西延安府宜川縣東南二十里與山西吉州鄉寧縣孟門山參差相接即

河中之石檀山也與洛陽孟津有別辛氏三秦記亦云孟門津實字記云孟門關在定胡縣西一百里後周大象元年於此置孟門關

此石經始禹

鑿河中漱廣夾岸崇深傾崖返捍巨石臨危若

墜復倚古之人有言水非石鑿而能入石信哉

其中水流交衝素氣雲浮往來遙觀者常若霧

露沾人窺深悸魄

官本曰案魄近刻作魂案朱同趙改

其水尚崩浪萬尋

懸流千丈渾洪聳怒鼓若山騰濬波頽壘迄于

下口方知慎子下龍門流浮竹非駟馬之追也

又有燕完水注之異源合舍西流注河河水又

南得鯉魚

官本曰案此七字原本及近刻並訛作經又有脫文應作鯉魚間案朱訛脫趙改又增水字刊誤曰七字是注混作經鯉魚下落水字

歷

澗東入窮溪首便其源也爾雅曰鱣鮪也出鞏穴三

月則上渡龍門得渡爲龍矣否則點額而還非夫往還之會何

能便有茲稱乎河水又南羊求水入焉

官本曰案此九字原本及近刻並訛作經案

朱訛趙改刊誤曰九字是注混作經

水東出羊求川

官本曰案近刻脫水字趙增刊誤曰東出上落水字

西逕

北屈縣故城南城卽夷吾所奔邑也王莽之朕北也汲郡

古文曰翟章救鄭次于南屈應劭曰有南故加北國語曰二五

言于獻公曰蒲與二屈君之疆也其水西流注于河河

又南爲採桑津

官本曰案此七字原本及近刻並訛作經案朱訛趙改河下並有水字刊誤曰八字是注混作經董祐誠曰左氏傳杜注北

屈縣西南有採桑津史記晉世家作醫桑集解引服虔曰翟地索隱曰衛地案醫桑有二晉與翟戰之醫桑卽採桑在北屈西南今鄉寧縣西是也秦張儀與齊楚相會之醫桑徐廣謂在梁與彭城之間漢武帝瓠子歌醫桑浮今淮泗滿後漢王梁擊佼疆蘇茂於楚沛間拔大梁醫桑皆梁楚間之醫桑也索隱又謂平陽西南七十里有采桑津亦因徙治而誤春秋

僖公八年晉里克敗狄于採桑是也

又南過皮氏縣西七字經文朱趙本在此下

赤水出

西北罷谷川東謂之赤石川東入于河河水又

南合蒲水

官本曰案此七字原本及近刻並訛作經案朱訛趙改刊誤曰七字是注混作經

西則兩源並發

俱導一山出西河陰山縣王莽之山寧也陰山東

麓南水東北與長松水合水西出丹陽山東

官本曰案

近刻訛作水出西三陽山東案朱趙同

東北流左入蒲水蒲水又東北與北

溪會同爲一川東北注河河水又南丹水西南

出丹陽山

官本曰案此十二字原本及近刻並截上九字訛作經下三字仍屬注文案朱作河水又南逕丹水西南無出字趙改河水又南得丹水刪西南

二字增水出二字刊誤曰九字是注混作經全氏曰水經注之側地曰逕曰歷若水則曰注曰合曰得丹水非地不得曰逕當作得西南二字衍文丹陽山上落水出二字

東

北逕冶官東

官本曰案近刻脫官字案朱脫趙增刊誤曰冶下落官字

俗謂之丹陽城城之左

右猶有遺銅矣

趙刊誤曰鑒曰漢書食貨志注云金有三品丹陽銅爲赤金神異經云丹陽銅似金可煅以作錯塗之器案班固孟康東方朔之言丹陽產銅

皆指揚州鄆注丹陽山在晉河東境內風馬牛不相及朱氏據彼證此大謬

其水東北會白水口水出

丹山東而西北注之丹水又東北入河

官本曰案近刻重一東字案

朱趙重

河水又南黑水西出丹山東

官本曰案此十一字原本及近刻並截上六字訛作經下五字

仍屬注文

案朱訛又黑水下有注之二字鑒曰宋本鈔本俱無注之二字趙改刪刊誤曰六字是注混作經注之二字本衍文

而東北入于

河河水又南至鰲谷傍

朱訛經趙改注刊誤曰八字是注混作經釋曰全氏曰下當有含鰲谷水四字

谷

東北窮瀾

官本曰案此十三字原本及近刻並截上九字訛作經下四字仍屬注文案官本東上有谷字故云九字朱趙並無此谷字

水源

所導也西南流注于河河水又南洛水自獵山

枝分東派東南注于河

官本曰案此十八字原本及近刻並訛作經案朱訛趙改刊誤曰鑒曰一作大河案楊慎刊

本作大河又南在此行之首黃省曾刊本云一本河上有大字然義無足錄十八字是注混作經孫校曰淮南子洛出獵山即此

昔魏文侯築

館洛陰指謂是水也

又南過皮氏縣西

官本曰案此經原本及近刻並訛在赤水出西北罷谷川東之前案朱趙見上

皮氏縣王莽之延平也故城在龍門東南不得延

逕皮氏方屈龍門也

官本曰案此注原本及近刻並訛在上注之末接指謂是水也下

又南出龍門口汾水從東來注之

孫校曰東當作西

昔者大禹導河積石疏決梁山謂斯處也

孫校曰在河津之西

即經所謂龍門矣魏土地記曰梁山北有龍門

山

趙釋曰一清案漢志左馮翊夏陽縣禹貢梁山在西北龍門山在北

大禹所鑿通孟津河口廣

八十步巖際鐫跡遺功尚存岸上並有廟祠

朱作并趙改並刊誤曰并

玉海引此文作並

祠前有石碑三所二碑文字紊滅不可復識一碑是太

和中立竹書紀年晉昭公元年河赤于龍門二里

官本曰案近刻河下有水字案朱

趙有梁惠成王四年河水赤于龍門三日京房易妖占曰河水赤

下民恨河水又南右合暢谷水

官本曰案此九字原本及近刻並訛作經案朱訛趙改刊誤曰九

字是注混作經

水自溪東南流逕夏陽縣西北東南注于

河河水又南逕梁山原東

官本曰案此九字原本及近刻並訛作經案朱訛趙改刊誤曰九字是注混作經

孫校曰河逕今韓城山即韓城縣北大梁山

原自山東南出至河

官本曰案原自近刻訛作自原案朱訛趙改刊誤曰自原二字當倒互黃省

會本校

晉之望也在馮翊夏陽縣之西北

官本曰案近刻脫北字案朱趙無

臨于河上山

崩壅河三日不流晉侯以問伯宗

官本曰案近刻以下衍此字案朱趙有

卽是處也春

秋穀梁傳曰成公五年梁山崩

趙無公字

過河水三日不流召伯尊

遇輦者不避使車右鞭之輦者曰所以鞭我者其取道遠矣伯

尊因問之輦者曰君親縞素率羣臣哭之斯流矣如其言而河

流

朱箋曰伯尊卽伯宗聲相轉也河水又南嵒谷水注之

官本曰案此九字原本及近刻並訛作經案朱訛

趙改刊誤曰九字是注混作經孫校曰今名濂水

水出縣西北梁山東南流橫溪水

注之

官本曰案近刻脫水字案朱脫趙增刊誤曰橫溪下落水字

水出二累山

朱出下有于字趙刪其刊誤曰于字衍文

山層密二成故俗以三累名山案爾雅山三成爲崑崙邱

官本曰案近刻

脫崑字下同案朱脫趙增刊誤曰山字衍爾雅作崑崙邱實字記引此文有崑字

斯山豈亦崑崙邱乎

朱作崑邱趙改崑崙無邱字山

下水際有二石室蓋隱者之故居矣細水東流注于嵒

谷側溪山南有石室西面有兩石室

官本曰案西面近刻訛作面西案朱訛趙改刊誤曰面西二字當倒互

黃省會本校改

北面有二石室皆因阿結牖連局接闔所謂石室相距也

東廂石上猶傳杵臼之跡庭中亦有舊宇處尚髣髴前基北坎

室上有微涓石溜豐周瓢飲似是栖遊隱學之所昔子夏教授

西河

官本曰案近刻脫授字案朱脫趙增刊誤曰教下落授字史記孔子弟子傳校補

疑即此也而無以辨之

官本曰案近刻

脫以字

案朱脫趙增刊誤曰無下落以字趙釋曰一清案實字記相州安陽縣西河隋圖經云卜子夏田子方段干木所遊之地以魏趙多儒學齊魯及鄒皆謂此為西河非龍門之西河也孫校曰今鄧陽有翊教洞

溪水又東南逕夏陽縣故城北故少梁也

秦惠文王十一年更從今名矣王莽之冀亭也其水東南

注于河

官本曰案注近刻訛作流案朱作流箋曰疑脫注字趙增注字

昔韓信之襲魏王豹也以木

罌自此渡河水又南右合陶渠水

官本曰案此九字原本及近刻並訛作經案朱訛趙改刊誤

曰九字是注混作經

水出西北梁山

趙增縣字刊誤曰水出下落縣字

東南流逕漢陽

太守殷濟精廬南

官本曰案南朱謀瑋云舊本作尚宋本作尚在吳本改為南今考原本已作南非吳本改也趙刊誤曰箋曰舊本

作精廬尚謝兆申云宋本作尚在此脫一在字也吳本改為精廬南似誤案謝說非也此云逕精廬南言陶渠水之所向耳豈可因誤本尚字又妄增在字也俗謂之子

夏廟陶水又南逕高門南

官本曰案陶近刻訛作河案朱作河趙改渠又增原字刊誤曰實字記引此作陶水準

下文是渠水河字誤高門下落原字

蓋層阜墮缺故流高門之稱矣

朱作東門趙改高門又改墮為墮刊誤曰墮當作墮東門

當作高門趙釋曰一清案太平寰宇記同州韓城縣下引水經注云高門原南有層
阜秀出雲表俗謂馬門原今本無之曹氏學餘名勝志引注云層阜相承秀出雲表

南逕華池南池方三百六十步在夏陽城西北四里許故

司馬遷碑文云高門華池在茲夏陽官本曰案近刻此下有西城北漢陽太守殷濟精舍四里所凡十四字即係上

文衍複在此案朱趙有西城趙改城西刊誤曰西城二字當倒互今高門東去華池二里溪水又東

南逕夏陽縣故城南朱作溪趙改渠下同刊誤曰溪水當作渠水即陶渠水也下同服虔曰夏陽

號邑也在太陽東三十里官本曰案此下近刻有城南二字亦衍文案朱趙有趙釋曰朱氏謀埠箋曰春秋僖公二年虞師晉師滅下

陽杜元凱云下陽號邑在河東大陽縣案漢志宏農陝縣注故號國在大陽東馮翊夏陽
縣注故少梁龍門在北則下陽夏陽兩地也公羊傳下陽作夏陽服氏因之誤矣

又歷高陽宮北又東南逕司馬子長墓北墓前有廟

廟前有碑永嘉四年漢陽太守殷濟瞻仰遺文大其功德遂建

石室立碑樹桓官本曰案近刻訛作柏案朱訛趙改刊誤曰隸釋載此作樹垣何焯

亭表四角建大木貫以方版名曰桓表縣所治兩邊各樹一立碑樹桓標表之制耳宋人寫本避廟諱缺筆作桓轉訛作柏也太史公自敘曰遷生

于龍門是其墳墟所在矣溪水東南流入河昔魏文侯

與吳起浮河而下美河山之固節于此也河水又南徐水

注之

官本曰案此八字原本及近刻並訛作經南訛作西案朱訛趙改刊誤曰八字是注混作經西準上文當作南

水出西北梁

山

趙增縣字刊誤曰水出下落縣字

東南流逕漢武帝登仙宮東東南

流絕彊梁原

官本曰案近刻脫原字案朱作石趙改原刊誤曰石實字記引此作原彊梁原在今朝邑縣漢書地理志左馮翊襄德縣下云禹貢北

條荆山在南下有彊梁原方輿紀要云俗謂之朝坂即荆山北麓矣

右逕劉仲城北

官本曰案右近刻訛作石案朱趙無右字官本改石作

右故上云脫文

是漢祖兄劉仲之封邑也故徐廣史記音義曰郿陽

官本曰案郿近

刻訛作郿

案朱作郿箋曰郿陽當作郿陽案史記高祖紀代王劉仲棄國亡自歸維陽廢以為合陽侯索隱曰合陽屬馮翊正義曰在郿水之陽也趙改郿

國名也高

祖八年侯劉仲

趙釋曰一清案史表合陽侯喜徐廣曰一名嘉則仲是其字索隱曰屬馮翊而漢諸侯王表作郿陽王子侯表作合陽實字記冀州信都縣合

陽城漢縣高帝時以代王喜棄國降為合陽侯後漢省并入扶柳舊地理書並失所在蓋在今郡東界地理志平原郡有合陽縣云侯國王莽曰宜鄉者也樂氏之記是為非矣又案名勝志引注云河水又逕劉仲城北又逕姚武壁南今本僅有劉仲城而無姚武壁蓋有脫失是也案實字記同州夏陽縣有姚武壁姚某僭號於此蓋以武功立功立因名姚武壁

趙是也上有元年二字刊誤曰是也黃省曾本作元年元年下有脫文是也蓋其贗字耳釋見本卷

其水東南逕子夏陵

北東入河河水又南逕子夏石室東

官本曰案此十字原本及近刻並截上九

字訛作經東字仍為注案朱訛趙改又朱作河入趙改河水刊誤曰九字是注混作經入當作水

南北有一二石室臨側河崖即

子夏廟室也

孫校曰史記正義引括地志云竭泉山一名隱泉山在汾州隰城縣北四十里水經注云其山崖壁立崖畔有一石室去地五十丈頂上平地十許

頃此爲子夏石室退老西河
居此有卜商碑祠今見在

又南過汾陰縣西

孫校曰今
榮河縣

河水東際汾陰雕

官本曰案原本及近刻並訛作雕
下同今改正 案朱訛趙改

縣故城在雕側

漢高帝六年封周昌爲侯國魏土地記曰河東郡北八十里有

汾陰城北去汾水三里城西北隅曰雕邱

孫校曰今
榮河西北

上有后土祠

封禪書曰元鼎四年始立后土祠于汾陰雕邱是也又有萬歲

宮漢宣帝神爵元年幸萬歲宮東濟大河而神魚舞水矣昔趙

簡子沈欒徽

朱趙作激趙釋曰朱氏
箋曰呂氏春秋作欒徽

于此曰吾好聲色而是子致之吾

好士六年不進一人是長吾過而黜吾善君子以爲能譴矣

官本

曰案近刻脫長吾二字黜訛
作點 案朱脫訛趙增改

河水又逕郃陽城東

官本曰案此八字原本
及近刻並訛作經 案

朱訛趙改刊誤曰八字是注混
作經孫校曰今臨晉縣

周威烈王之十七年魏文侯伐秦至鄭還

築汾陰郃陽

官本曰案近刻訛作縣 案朱訛趙改刊誤曰
郃縣黃省曾本作郃陽事亦見史記魏世家

卽此城也故有莘

邑矣爲太姒之國詩云在郃之陽在渭之涘又曰纘女維莘長

子維行謂此也城北有漢水

官本曰案近刻訛作城北在北漢水案朱訛趙改刊誤曰在當作有下北字衍文孫潛

校正

南去二水各數里其水東逕其城內東入于

河又于城內側中

官本曰案內近刻訛作南案朱趙同

有漢水東南出城

注于河城南又有漢水東流注于河

官本曰案近刻流下衍東字案朱衍趙

刪刊誤曰下東字衍文實字記引此文校正

水南猶有文母廟廟前有碑

官本曰案近刻脫一廟字案朱脫趙增刊誤曰於

文當重

去城

朱趙有一廟字

十五里水即郃水也縣取名焉故應劭曰在郃

水之陽也河水又南漢水入焉水出汾陰縣南四

十里西去河三里平地開源瀆泉上湧

朱漬作瀆箋曰當作瀆趙改瀆

大幾如輪深則不測俗呼之為漢魁

朱箋曰郭璞爾雅注云汾陰有水口如車

輪許瀆沸涌出其深無限名之為漢

古人壅其流以為陂水種稻東西二

百步南北

朱趙有一字

百餘步

趙釋曰一清案王氏存元豐九域志河中府古跡漢水下引水經云漢水出汾陰南四十里周同一

百八十步冬溫夏冷清澈見底今本似缺

與郃陽漢水夾河河中渚上

朱趙不重河字

又

有一漢水皆潛相通

官本曰案近刻作皆相潛通改刊誤曰相潛二字當倒互爾雅注校改

故呂

忱曰爾雅異出同流爲漢水

趙釋曰一清案榮河縣本漢汾陰縣地道元何以不取爾雅郭註原文僅

錄呂忱字林數語致與經典全相乖迕殆故以示博爾今疏記於左以正其失爾雅釋水漢大出尾下註云今河東汾陰縣有水口如車輪許濟沸湧出其深無限名之曰漢馮翊郃陽縣復有漢亦如之相去數里而夾河中階上又有一漢漢源皆潛相通在汾陰者人壅其流以爲陂種稻呼其本出處爲漢魁此是也尾猶底也

其水西南

流歷蒲坂西西流注于河河水又南逕陶城西

官本曰案此八字原本及近刻並訛作經案朱訛趙改刊誤曰八字是注混作經

舜陶河濱皇甫士安以爲定陶不

在此也然陶城在蒲坂城北城即舜所都也南去歷山不遠或

耕或陶所在則可何必定陶方得爲陶也舜之陶也斯或一焉

孟津有陶河之稱蓋從此始之南對蒲津關汲

冢竹書紀年魏襄王七年秦王來見于蒲坂關四月越王使公

師隅來獻乘舟始罔及舟三百箭五百萬犀角象齒焉

又南過蒲坂縣西

地理志曰縣故蒲也王莽更名蒲城應劭曰秦始皇東

巡見有長坂故加坂也孟康曰晉文公以賂秦秦人還蒲于魏

魏人喜曰蒲反矣故曰蒲反也薛瓚注漢書曰秦世家以垣為

蒲反

官本曰案漢書作秦世家云以垣為蒲反此史記秦本紀語索隱曰為當為易蓋字訛也

然則本非蒲也

趙釋曰全氏曰孟康解因魏壽餘事

而參錯其說

皇甫謐曰舜所都也或言蒲坂或言平陽及潘者也

官本曰案潘原

本訛作潘今考潘縣漢書地理志屬上谷郡灤水章潘泉故瀆上承潘泉於潘城中或云舜所都也案朱趙作潘趙釋曰一清案舜都廣寧今直隸之懷來縣漢上谷郡之潘縣也師古曰

音普拌反而胡三省通鑑註曰據水經注潘當作潘然其引皇甫士安之書則又云或言蒲阪或言潘可知宋本水經已誤潘為潘梅磧不能決擇所從徒啓後學之疑漢志續志晉志魏志

皆作潘亦見灤水篇注蓋漢是夾河中隋非可以建都也

今城中有舜廟魏秦州刺史治太和遷都

罷州置河東郡郡多流雜

官本曰案近刻訛作離省曾本作流雜後卷注中多有之蓋魏晉間人語也

案朱訛趙改刊誤曰流離黃

謂之徙民民有姓劉名墮者宿擅工釀採挹河流醞成芳酎懸

食同枯枝之年排于桑落之辰

朱箋曰懸食二語字有脫誤案洛陽伽藍記云河東人劉白墮善釀酒六月中以罌貯酒曝日

中經旬酒味不動飲之香美朝貴千里相餉命曰鶴觴齊民要術云十月桑落初凍則收水釀者為上時春酒正月晦日收水為中時春酒趙釋曰朱氏謀埠箋曰二語有訛脫一清案宋李

厚註東坡詩胡三省註通鑑引水經注語正同則知相沿已久

故酒得其名矣然香醕之色清白若脩漿

焉別調氛氲不與他同蘭薰麝越自成馨逸

趙釋曰一清案通鑑注作馨遠

方土之

貢選最佳酌矣自王公庶友牽拂相招者每云索郎有顧思同

旅語索郎反語爲桑落也更爲籍微之雋句中書之英談郡

南有歷山

官本曰案山下近刻衍也字趙有孫校曰在今蒲州府南

案朱

謂之歷觀舜所耕處

也

趙無也字

有舜井媯汭一水出焉南曰媯水北曰汭水

西逕歷山下

官本曰案西近刻訛作迺趙改刊誤曰迺沈炳異校改西

案朱訛上有舜廟周處風土

記曰舊說舜葬上虞又記云耕于歷山而始寧剡二縣界上舜

所耕田于山下多柞樹

官本曰案上虞剡並屬會稽郡順帝永建四年分上虞南鄉立始寧縣

吳越之閒名

柞爲櫪故曰歷山余案周處此志爲不近情傳疑則可證實非

矣安可假木異名附山殊稱彊引大舜卽此甯壤

官本曰案近刻訛作寧懷案朱趙

作寧懷朱箋曰寧字誤當作甯懷括地志云河內郡獲嘉縣有甯城而懷縣亦屬河內又媯州懷戎縣西有舜井路史國名記云陽處父聘衛過甯一作寧趙釋曰全氏曰甯懷當作甯壤甯與甯通卽指舜都廣甯朱謀埠箋強引河內之甯城於舜何與又引媯州懷戎縣之舜井以解懷字六朝何嘗有懷戎之稱乎蓋謂以歷山在東越猶之以廣甯之壤爲歷山也刊誤曰箋曰甯字誤當作甯案甯甯音同通用朱氏引路史國名記固自言之矣又以誤字目之何也

更爲失誌記之本體差實錄之

常經矣歷山媯汭言是則安于彼乖矣尚書所謂釐降

二女于媯汭也孔安國曰居媯水之內王肅曰